



# საქართველოს საბჭოთაო დემოკრატიული რევოლუციური ფრაზიის ფურცელი

იუმორის გ.  
ჟურნალი

№ 25

პირველი კრება წერა-კითხვის სასოგად. მასწავლებელთა.



ლ. ბოცვაძე. ბრძანეთ ბატონებო რამე გოგებაშვილის სახელმძღვანელოთა შესახებ. მასწავლებლები.  
ლ. ბოცვაძე. Молчаніе знакъ согласія.



# კონკურსი!

ქართულთა შორის წერა-კითხვის დამახნელებელ სასოგადოების სასკოლო სექციამ უკვე გამოიმუშავა სახელმძღვანელოთა ტიპი

## სამართალ სფულოისათვის.

I	განყოფილებისათვის	ტ. ზიკონი
II	„	ქამნი
III	„	დაპითნი
IV	„	ზიზლია

სასკოლო სექცია ამით აცხადებს საჯარო

## კონკურსს:

ვინც უკეთესად დასწერს აღნიშნულ სახელმძღვანელოებს მას არ აუკრძალება ღაპარაკი მასწავლებელთა კრებაზე, როცა კი მე თავმჯდომარე ვიქნები.

პატივისცემით ლ. ბოცვაძე.

# ქურდის დასჯა

(იგუფა)

აღლო კაცის სახელია  
და ადლისგან წარმოსდგება,  
რადგან აღლმა მიანიჭა  
მას სიმდიდრე და დიდება.

ეხლა აღლო ვაჭარია  
და აქვს დიდი მალაზია,  
მოუვლია ბევრი კუთხე,  
ევროპაა, თუ აზია.

ვაჭრობის და დალალობის  
გაუცენია ყველა მხარე,  
მუმც ამ გზაზე ბევრ სიტკბოსთან  
მას შეუსვამს ბევრიც მწარე.

ზოგ შემთხვევამ აზარალა  
ზოგმა მისცა ბევრი რამე  
ასეთია საქმის „რისკი“  
სხვანაირად სითამამე.

ბოლოს, როცა აქეთ-იქით  
მას მოჰბეზრდა წოწვა-თრევა,  
ადგა, გახსნა მალაზია:  
შიგ სიმდიდრე არ ეტევა!..

ჯერ მოზიდა უთვალავი  
ფართლყული, ოქრო-ვერცხლი,  
მაგრამ რადგან ასეთ რამეს  
ანადგურებს ხშირად ცეცხლი,

დიდ ძალ ფულად დააზღვევა,  
უზრუნველ-ჰყო ყოველ-მხრივად  
და დაიწყო „პარკის ხვევა“  
ისე რალა... ქონებრივად!

გამდიდრების საშვალეა  
ბევრია და მრავალ გვარი...  
ჯერ ამ მიზნით მოიშველა  
აღლომ ცეცხლის ნიაღვარი:

დამზღვევ საზოგადოებას  
ააწაბნა ფული ბლომით,  
მაგრამ ესეც რომ არ ეყო  
ხარბი გულის გასაძლომით,

კვლავ საქმეში ჩააბანდა  
ეს სიმდიდრე ამოდენა:  
ისევ გახსნა მალაზია  
და საქონლით გამოტენა.

წაივაჭრა სარფიანად  
ისე: ერთი, ორი წელი  
და მესამეს, რომ მოზიდა  
დიდი ძალი საქონელი.

ისარგებლა სხვების ნდობით,  
გაიკოტრა განგებ თავი  
და ამ ხერხით შეიძინა  
მან სიმდიდრე უთვალავი.

ეხლა ზის და ითვლის ნელ-ნელ  
შემოსავალს ყოველ დღიურს  
და ატარებს უზრუნველად  
ტკბილ ცხოვრებას ამ ქვეყნიურს..

და, განგებავ... ჰოი, ერთ დღეს  
ვიღაც ოხერს, ვიღაც ავსულს,  
აღლოს მდიდრულ სავაჭროში  
ქურდს, ვითომდა მუშტრად მისულს,


ერთი ნემსი მოეპარა  
ერთ შაურად ღირებული,  
მართალია არც აღლოა  
იმდენათ გაქივრებული,

რომ დიდ რამეთ თავს დაატყდეს  
მას შაურის დანაკლისი,  
მაგრამ პარვა რომ არ არის  
საქმე კაცის საკადრისი,

აი მისთვის მან ის ქურდიც  
წესის მცველებს მისცა ხელში  
და დღეს ზის ამ სიავისთვის  
ის ბედკრული ციხე ბნელში...

ჩვენ კი ვსთქვათ: თუ ნემსის ქურდი  
აქლემის ქურდს ედარება,  
აღლოს რალათ შერჩეს ქვეყნად  
სიმდიდრე და ნეტარება?!

ონისიმე.





# პატარა ფელეტონი.

## „კრიტიკოსები“.

ერთხელ, „ნობილ“  
 კრიტიკოსებს:  
 შაქროს,  
 ზაქროს  
 და იოსებს—  
 მოეყარათ ერთათ თავი  
 მწერლობაზე ჰქონდეთ დავი.  
 შაქრომ ბრძანა:  
 — „ჩვენს პოეტებს  
 როგორც ძველებს  
 ისე ახლებს—  
 არ ატყვიათ ნიჭი წერის..  
 სასურველათ ვერვინ მღერის!  
 ხალხის ვარამს,  
 გულის წადებს  
 ცხოვრებისგან  
 ნალაღადებს—  
 ვერ ხატავენ ნათლათ, სწორათ  
 აქარბებენ ერთი-ორათი..  
 ერთი ცაში  
 დანავარდობს.  
 ძირს, ქვეყნისთვის  
 აღარ დარდობს—  
 მაშვრალთათვის კრინტს არა ძრავს  
 მზეს და მთვარეს ლექსებს ათხზავს!..  
 მეორე კი...  
 მიწას ეტრფის,  
 ხშირაა თავის  
 მუხას ებრძვის,  
 ის განშორდა სინამდვილეს—  
 მგონი, სხვებმა მოატყვილეს!..  
 მესამე-კი  
 ქალთ უმღერის,  
 უნარი აქვს  
 ლექსის წერის—  
 მარად კოცნა ელანდება  
 მთლათ წაბილწა ხელოვნება!..  
 ჰო და ასე,  
 ჩვენს მწერლობას

ქართულ ჟურნალ-  
 გაზეთობას—  
 აღარა ჰყავს აწ მწერლები,  
 მე მათ ვიცნობ, ვუკვირდები“...  
 ზაქრო ოღნავ  
 გაიღმა—  
 შუბლის ძარღვნი  
 დაეჭიმა—  
 გამოესარჩლა პოეტებს  
 ის მათ სრულად ვერ იმეტებს!..  
 ის შაქროს აზრს  
 აკრიტიკებს  
 და შეცდომებს  
 მიუთითებს!..  
 უთხრა ბოლოს: — „მასეთ რწმენას,  
 გეფიცები მაღალ ზენას—  
 შენ ამათ  
 ემყარები  
 მათ იდეალს  
 ვერ მიწვდები!..  
 პოეზიის ქურუმ-მცველნი,  
 ვით ახალნი, აგრეთ ძველნი:  
 მაგალითად,  
 ბარათაშვილს  
 პესიმისტსა  
 გულ-გატეხილს—  
 სჯობს ახალი პოეტები  
 ქაბუკნი, ახალ-გაზრდები!..  
 მათი მწყობრი  
 ჩანგის ჟღერა  
 ბრძოლის ხმა და  
 რიხით წერა—  
 ქვეყნათ კეთილს დაამყარებს  
 მშრომელთ გულსაც გაახარებს...  
 ბევრს წვალობენ  
 და იღწვიან,  
 თუმც ახალს  
 ვერას იტყვიან—  
 მაინც უნდა პატივი ვსცეთ  
 ზოგჯერ გონორარიც მივცეთ!..  
 თქვენ აქ მათზე კრიტიკოსობთ  
 დახმარებას კი არ ფიქრობთ!..  
 ქეშმარიტად  
 ბევრსა სწერენ

მკითხველები  
 გააჯერენ—  
 ყოველ წუთში ლექსებს თხზავენ  
 ხალხს თეატრში უკითხავენ!  
 ზოგს ინახვენ  
 ზოგსაც წვავენ,  
 ზოგს გოდორში\*)  
 თავს უკრავენ—  
 და ამგვართ იმათ ვარამს  
 უკუნეთი ბნელი ჰფარავს!..  
 ახლა მე თქვენ  
 გეკითხებით,  
 თუ მათ ტანჯვას  
 კარგათ ხედებით:  
 რა აზრი აქვს საყვედურებს,  
 რომლითაც თქვენ გვიჭედო ყურებს?..  
 — „ბევრსა სწერენ  
 მართალია,  
 მაგრამ ეს  
 ჩვენი ბრალია—  
 ვურჩიოთ და გავაფრთხილოთ  
 ავი, კარგი განვიხილოთ.  
 თუმც ვგ ფაქტი  
 არ მაკვირებს,  
 რადგან კავკასიის  
 შვილებს—  
 ძველათ მოსდგამთ პოეტობა  
 მოსწონთ მათ რუსთაველობა!..  
 მხოლოდ ჩვენა  
 (კრიტიკოსებს),  
 როგორც მცოდნეთ  
 კულტუროსნებს—  
 არ შეგვშვენის აგრე ყოფა  
 გაიხრწნა ახალგაზრდობა!..  
 დროა, დროა  
 მივეშველოთ  
 სიმართლე ვსთქვათ,  
 ვიგულწრფელოთ—  
 რას მიქვიან პარტიობა,  
 ჩვენი საქმეა ძიობა!..

ახლა ბევრი,  
 ბევრი ჩემობს  
 მგონსურ განცდა  
 რო იგემოს,—  
 და ვინც ძალით კრიტიკოსობს  
 ის რეგვენ ფილოსოფოსობს...  
 მითხარ ის რას  
 დააფასებს?  
 აბა, ვკითხოთ  
 ჩვენს იოსებს“—  
 და, თვალეში მიაცქერდა...  
 იგი ამ დროს ძალზე სთვლემდა!..  
 — „ჰო, მეც ვიტყვი  
 ორსა სიტყვას,  
 სინამდვილე  
 უნდა ითქვას—  
 — არ გვყავს, არ გვყავს პოეტები,  
 როს ვიგონებ, ჯავრით ვდნები!..  
 ახალს, ცოცხალს  
 არვინ ამბობს,  
 ძველს ღეჟავენ,  
 ყველა ლაყბობს—  
 თუ არ ეხსნენ ასეთ წესებს  
 აღარ წავიკითხავ ლექსებს!.  
 რა თქმა უნდა:  
 მეწყინება  
 და ხშირათ  
 ჩამეძინება—  
 როცა ვისმენ მხოლოდ რიფმებს  
 ათასჯერ თქმულს აზრსა, სიტყვებს?!  
 სადღა არიან  
 მწერლები?  
 სულ-მნათნი  
 ჩვენი ძველები—  
 როს მათ ნაწერს ვკითხულობდით.  
 მთელ ღამეებს ძილს ვიფრთხობდით“!..  
 სთქვა და  
 ხელი ჩაიქნია,  
 თითქო მიზანს  
 მიაღწია—  
 რა-კი მან მგონები ზრახა  
 სასით შევება გამოსახა!..  
 მაგრამ ვანო  
 (მეგობარი)


\*) რასაკვირველია, რედაქტორები.

მისი სიტყვით  
 გულ-დაძწვარი—  
 სხვას ფიქრობდა, სხვას ამბობდა  
 მოძმეთ მცნებას უარყოფდა!.

მოხდა შფოთი  
 და...ეს დავა,  
 მათი ჩხუბით  
 დაეთავა!—

ამის შემდეგ „კრიტიკოსებს“  
 ვერსა ვხედავ ერთათ ბჭობდეს!..

ალბურონი.



## დამფუძნებელი კრება

თფილისის გუბერნიის სახალხო მასწავლებელთა კავშირისა.

მოსაზრებანი.

ფილოლოგათ, თუ ლინგვისტათ თავი არასოდეს არ მიმიჩნევია, მაგრამ ვინ არ იცის, რომ უმეტესობა ქართული სიტყვებისა უცხო ენის ძირებზე არის აღმოცენებული. ამ მხრივ დამაფიქრა სიტყვა „დამ-ფუძნებელი“-მა.

დამსწრე მასწავლებელთა ცხრა მეათედს ქალები შეადგენდნენ, რაიც ფრიალ სასიამოვნოა საღი პედაგოგიური თვალსაზრისით და არ შემძლია მეც სიხარული არ გამოვსთქვა. მიუხედავად ამისა, დიაცთა სიჭარბემ მაფიქრებინა ძირი ზემოაღნიშნული სიტყვისა „დამა-ფუძნებელი“ ფრანგულ ენაში მეძებნა და აი მყისვე გამოირკვა ყოველი. „დამა“,— თუ არა ვცდები, ქალს ნიშნავს, ხოლო ფუძე— იგივე საძირკველია. ამგვარათ, „დამაფუძნებელი“ ნიშნავს „ქალებზე დამყარებულს“ და ვინც კი აღ-

ნიშნულ კრებას დაესწრო, დარწმუნებული ვარ ექვს არ შეიტანს ამ გამოკვლევაში.

განსვენებულინი.

კრებას ხსნის საორგანიზაციო ბიუროს თავმჯდომარე ვარლამ მარკოზის-ძე ბურჯანაძე. დარბაზში მხიარულების სიო ჰქრის. სცენაზე საორგანიზაციო ბიუროს წევრები სხეიდან.

**თავმჯდომარე.** ბატონებო, ვიდრე მორიგ საქმეებზე გადავიდოდეთ, ურიგო არ იქნება ჩვენი ყურადღება მცირე ხნით წარწულს მივაპყროთ. თქვენ ყველას მოგეხსენებათ მეხუთე საუკუნეში ქრისტეს დაბადებამდე გარდაიცვალა ინდოელთა ცნობილი პედაგოგი კარატავაგა რაგინა. გთხოვთ ფეხზე აღვამით პატივი სცეთ მის ხსოვნას.

— ერთად სდგებიან და სხდებიან.

**თავმჯდომარე.** ბატონებო! იმავე საუკუნეში გარდაიცვალა ჩინელთა უდიდესი მასწავლებელი ბ-ნი ჩან-ჩურ-ა. გთხოვთ პატივი სცეთ.

— ერთად სდგებიან და სხდებიან.

**თავმჯდომარე.** ბატონებო! პირველ საუკუნეში იაპონიის ერმა დაჰკარგა თავისი საუკეთესო წარმომადგენელი პედაგოგიურ ასპარეზზე მაკატო კატაკულა. გთხოვთ აღვამით პატივი სცეთ.

— სდგებიან და სხდებიან.

**თავმჯდომარე.** ბატონებო! 1037 წელს დაობლდა ჩვენი მეზობელი სპარსელთა ერი. მან დაჰკარგა ერთი უდიდესი პედაგოგი ბ-ნი ალი-მირზა-ბაბა-ხუსეინ ზადე. გთხოვთ პატივი სცეთ.

— ყველანი სდგებიან და სხდებიან.

**თავმჯდომარე.** ბ-ბო! საჭიროა მოვიხსენოთ ბერძენთა სიამაყე, პედაგოგი სინდიკოპულო. გთხოვთ პატივი სცეთ მის ხსოვნას.

— სდგებიან.

**უცნობი.** ბატონო თავმჯდომარე, გთხოვთ წესრიგისათვის.

**თავმჯდომარე.** ინებეთ.

**უცნობი.** ბატონებო, თუ ჩვენ თითო თითოდ მოგყვებით უკაცრავად... თუ ჩვენ თითო-თითოდ მოგყვებით ყველა განსვენებული პედაგოგის მოხსენებას ეგ ძლიერ შორს წავგიყვანს. წინადადებას ვიძლევი თითო ქიქაში... ეჰ, დასწყევლოს... თითო აღვამა დაჯდომაზე რამოდენიმე მოვიხსენიოთ.

— წინადადება მიიღეს.

**თავმჯდომარე.** მაშ გთხოვთ, ბატონებო, პა-

ტივი სცეთ იტალიელთა პედაგოგს ჩიგირინის, ფრანგთა ბონჟურიეს და ინგლისელთა ჯონ ფისტონს.

— უმეტესობა დგება.

**თავმჯდომარე.** გთხოვთ პატივი სცეთ ისპანიელთა მასწავლებელ დონ ბუასილიოს, გერმანიელთა ფონ შტრინგერს და რუსთა ივან ივანოვს.

— მესამედი ნაწილი კრებისა სდგება. სხვები ცდილობენ, მაგრამ ვეღარ დგებიან.

**თავმჯდომარე.** ბატონებო გთხოვთ პატივი სცეთ სომეხთა მასწავლებელ ავარონიანის და ქართველთა პედაგოგის გოგებაშვილის ხსოვნას.

— სდგება ორი კაცი: ერთი ქართველი და ერთიც სომეხი.

**მილოცვები.**

ბ-ნებო! უნდა გამოგიტყდეთ, რომ უკიდურეს სასოწარკვეთილებაში ვვარდები, როცა ვხედავ საზოგადო მოღვაწეს, რომელიც გაშლის ქალაქს და კითხულობს იმას, რაც წუხელ თითონვე დაუწერია. უმთავრესად, როცა ეს ნაწერი მილოცვას წარმოადგენს.

მილოცვა. ეგ სიტყვათა შეჯიბრება, მქვერმეტყველობის ჯირითი, მქუხარე ფრაზათა დოღია. მე ძლიერ მიყვარს ასეთი შეჯიბრება და ჩემმა აღტაცებამ უმაღლეს წერტილამდე მიაღწია ამ მილოცვების დროს. განსაკუთრებით მშვენიერი იყო „ზვირთის“ წარმომადგენელი, ბ-ნი ბალიალაშვილი, რომელსაც მეტის გრძნობიერებით მესამე სიტყვაზედვე დაება ენა.

ღიმიტრი ღუმბაძის რიხიანი კილო, გ. ყაზბეგის მამაშვილური დარიგება, ა. ხატისოვის მხურვალე სურვილი, დარბაისელი მარქარიანის ჩინებული განცხადება, ბ-ნი ჰალმოვის ტკბილი იუმორი, ბ. აღოვეის დაუფასებელი გულ კეთილობა, ქუმბაძის პოეზია და სხვ. და სხვა, ერთი მეორეს ჩრდილავდა, ერთი მეორეს უსწრებდა სავარჯიშო მოედანზე. ტაშისა და ვაშის გუგუნისაგან ელექტრონის ლამპებში მავთულის ძაფები დაწყდა და გალიორკაზე აქა იქ შუშები ჩაიმტვრა.

საერთო გატაცებას, აღტაცებას წარტაცებას საზღვარი არა ჰქონდა. ეს საუკეთესო განყოფილება იყო დამფუძნებელი კრებისა.

**ლ ე ქ ც ი ე ბ ი.**

სოფლიდან ჩამოხვეწილ სახალხო მასწავლე-

ბელთა განვითარებას საორგანიზაციო ბიურო ენერგიულათ მოეკიდა. ლექცია ლექციასა სცვლიდა, მოხსენება მოხსენებასა და მსმენელთა თავები თვალსაჩინოთ ივსებოდა და მიმდებოდა. პატივცემული ლუარსაბ ბოცვაძის ლექციის დროს თავის სიმძიმემ უკიდურეს ხარისხს მიაღწია და ვინაიდან მისი მხრებზე შეჩერება შეუძლებელი დარჩა, დიდმა უმრავლესობამ თავები სკამების საზურგეზე, მოაჯირებზე და მეზობელთა მხრებზე ჩამოაწყო.

თამამად შეიძლება ითქვას, რომ სოფლად გაბრუნებულ მასწავლებელს კიდევ კარგა ხანს ასაზრდოებს ამ ბედნიერ დღეთა მოგონება. განსაკუთრებით ლექცია „ბუზებთან“ ბრძოლის შესახებ საფუძვლათ დაედება მათ საზაფხულო მოღვაწეობას.

**ა რ ჩ ე ვ ა ნ ი.**

ჩვენი სამშობლო ცნობილია, როგორც დაკრძალვისა და არჩევნების ქვეყანა. ამიტომ სულაც არ გამკვირვებია, როცა არჩევნების საკითხმა ლექციებისაგან მოდუნებული ხალხი გამოაცოცხლა და გამოაფხიზლა. დარბაზში ყურთა სმენა არ იყო. თავმჯდომარეს შევიდოდა ზარა შემოატყდა, ხუთიოდეჯერ დოს აქტავის აღება დასჭირდა.


მე დიდხანს არ შევაჩერებ თქვენს ყურადღებას ამ საგანზე, ვინაიდან კმარა რაც მასზე დრო და ენერგია დაიხარჯა.

**შემცდარი შეხედულობა.**

საქართველოში შემცდარი შეხედულობა გამეფებულა „ეშმაკის მათრახის“ მხატვრობის შესახებ. ფიქრობენ თურმე, რომ „მათრახში“ მარტო ჯოჯოხეთის მტრებს ხატავენო. ეს შეცდომაა. ჩვენთვის ერთგვართ ძვირფასია მტერიც და მოყვარეც. ალბათ ამ შემცდარ შეხედულობის ნიადაგზე აღმოცენდა შეთქმულება ჩვენს წინააღმდეგ. ერთმა მასწავლებელთაგანმა, როგორც გამოძიებამ გამოარკვია, შეადგინა ფარული ჯგუფი ჩვენი წეს-წყობილების წინააღმდეგ. გადაწყვეტილი იყო პირველ ყოვლისა თქვენი უმორჩილესი მონის მოკვლა და შემდეგ მთელი რედაქციის განადგურება. ჩემის თვლით დავინახე როგორ წაუთალა წვერი კარანდაშს და ცდილობდა ჩემს დამარტოხელებას რომ ვერაგულათ მკერდი გაეგმირა. საბედნიეროთ ბოზოტ მოქმედება დასაწყისშივე ჩამქრალ იქმნა და ამ ხანად გადავჩი განსაცდელს.

პ ი რ ო ვ ნ ე ბ ა ნ ი .


არა ერთხელ მითქვამს და ახლაც გავიმეორებ, რომ ჩემს მხატვრულ საქმიანობას საფუძვლათ მუდამ საზოგადო ინტერესი უძევს. ახლაც მსურს მკითხველთა გავაცნო დაახლოებითი მოხაზულობა იმ პიროვნებათა, რომელთაც უფრო მიიპყრეს ჩემი და საზოგადოების ყურადღება.




1. ვაზლამ ბეკოს ძე ბურჯანაძე. თავმჯდომარე და თავმოდულეული ქართველი მოღვაწეა. ჩვენ წინეთაც დაგვიმშვენებია ჩვენი ჟურნალის ფურცლები მისი სურათით. დიდი დრო, ენერჯია და ხმა დახარჯა კავშირის დასაფუძნებლათ. არჩეულია გამგეობის თავმჯდომარეთ.




2. პ. კ. ზოლოტარიოვი. ლექტორი პეტრეს ქალაქიდან ჩამოსული. წაიკითხა რამოდენიმე ლექცია და მხურვალე მონაწილეობა მიიღო კამათში.



3. გენერ. გ. ყაზბეგი. თავმჯდომარე ქართულ დაწესებულებათა, დაესწრო მხოლოდ პირველ კრებას, სადაც წარმოსთქვა გრძნობიერი სიტყვა.



4. სან. სკოლათა დირექტორი ბ. ადოევი. გატაცებული მომხრე კავშირთა დაფუძნებისა. წარმოსთქვა ისეთი გრძნობიერი სიტყვა, რომ თვალთავან ცრემლი მომწყვიტა.



5. ქალ. თავი ა. ხატისოვი. დაუღალავი მოღვაწე ა. ი. ხატისოვი აქაც ისეთი ხალისით იღწოდა, როგორც ყველგან. წაიკითხა ლექცია გიგიენის შესახებ.

6. ბ. პალმოვი. გუმანიტარულ მეცნიერებათა მოციქული. დაუღალავი ლექტორი და მემუსაიფე, წვერში ცოტა ქალერა ურევია. ლაპარაკის დროს სრულიად არა ღელავს, პირიქით კიდევაც ხუმრობს და იცინის.



7. ქ-ნი მასლოვი. მასწავლებელი ქალი, რომელმაც წაიკითხა მოხსენება თავისუფალი აღზრდის შესახებ. მოხსენებამ ცხარე კამათი გამოიწვია. მასწავლებელი ქალი სდგას კათედრის წინ.

8. ბ-ნი ხანოიანი. გაზ. „პაიქარის“ წარმომადგენელი და ავტორი ლექციისა „აღზრდა გარეშე სკოლისა“. მშვენიერი სომხური ენით ლაპარაკობს. თმა წაბლისფერი აქვს და ხმა მქუხარე. მაღალიც არის.

9. გიორგი ჟორდანი. ავტორი ქართულ კულტურულ საზოგადოებისა. ჩინებული ორატორი და დაუღალავი კულტურტრეგერი. როცა ლაპარაკობს ხელებს უნდა წამოეყუდოს. როცა სხვებს უსმენს პირი ოდნავ უღიმის. თავი სამკუთხი აქვს.

10. ქ. ვ-სა. ყოველგვარ საკითხთა განმარტებაში მხურვალე მონაწილეობას იღებდა. ჩემს სურათზე ოდნავი მსგავსებაა არიგინალისა.





11. ბ-ნი სოლოვიანი. დაუღალავი მოლაპარაკე. სიანს დიდი გამოცდილების პატრონია ამ დარგში. ხმაც შესწევს.

12. ნესტორ ცერცვაძე. მოხუცი ტრიბუნი. სახელი მოიხვეჭა ვირისა და სამეფოს ამბით. ჩვენ სურათზე ცოტა ღიმი გადაკრულია.

13. ბ-ნი მიხაილოვი. სახალხო სკოლათა ინსპექტორი. იკისრა შუამდგომლობა სამოსწავლო ოლქის უფროსის და მასწავლებელთა შორის. უშიშარი კაცი ყოფილა.

14. ქ-ნი ვახვახიშვილი წერეთლისა. ქალაქის სკოლის მასწავლებელი. ცოტა ილაპარაკა და ისიც უცენზურო.

15. ბ-ნი ოკუნიანი. სახელოსნო სასწავლებლის გამგე. ქალაქი შერეული კაცი. ლაპარაკობს დაბეჯითებით და ზოგჯერ განმეორებით.

16. ალ. ლომთათიძე. დაუღალავი მოლაპარაკე. უყვარს უფრო წესრიგისათვის სიტყვის აღება. აქვს ხმა დრამატიული ტენორი.

დასასრული.

საბოლოოდ დავრწმუნდი, თუ რა ძნელია საზოგადო მოღვაწეობა: ყოველგვარ კრებას უნდა დაესწრო, ლექტორებს უნდა უსმინო, ანგარიშები უნდა სწერო, სხვისი დანაწერი იკითხო და ყოველივე ამისათვის დიდი დიდი პანთეონში დაგმარხონ.




ჩემი უბის წიგნი სავსეა სხვა და სხვა თავებით. დავხატე ზოგი საზოგადოებისათვის, ზოგი სამახსოვროთ, ზოგიც საკოლექციოთ. ვინ იცის, იქნებ მოვიდეს დრო, როდესაც აი, თუნდ ეს პაწაწინა მასწავლებელი ქალი თავისი მოღვაწეობის იუბილეს მართავდეს და მილიონი ქართველი ბავშვი იასა და ვარდებს აყრიდეს. ახლა კი ქოქოლას აყრიან სიანჩხლისა და კაპასობისათვის.

კრებას რომ ბოლო არ მოღებოდა განზრახვა მქონდა მომეწვია ცნობილი ლექტორი გრიგოლ ამალღობელი. ჩემის აზრით საკმარისი იყო მისი სახალხო სახლის არე-მარეში გამოჩენა, რომ მასწავლებელთა ლანდიც გამჭრალიყო.

ეშმაკი.

P. S. უღრმეს მადლობას ვსწირავ ყველა მათ, ვინც ჩემს მხატვრულ ვარჯიშობას ხელი შეუწყო. თუ შეთქმულობის მსხვერპლი არ გავხდი, ვეცდები სამაგიერო სამსახური მეც გაუწიო.

—კი.



# უხრიკავი სახრიკავათ.

ერთსა კაცსა ცოლი ჰყავდა  
უწყუნო ლამაზი.  
ქმრის ორ-გული, მოღალატე  
მასთან ოინბაზი.

მის სიტურფეს ვერ აგიწერთ.  
არა ჰყავდა ცალი.  
ერთი სიტყვით, იმ მიდამოს  
იყო ქალთა თვალი.

ქმარი იყო მომუშავე  
ხელოსანი, ხურო.  
ქმარს საქმეზე ისტუმრებდა,  
მოსდიოდა კურო.

ერთხელ, ხურომ ხარაჩოზე  
შეაგორა ძელი  
და რა რაღაცა უბედობით  
ხის ქვეშ მოჰყვა ხელი—

შინ წავიდა შესახვევით,  
თანაც სასადილოთ.  
ნახა. მის ცოლს ვიღაც კაცი  
ეკვრის სახადილოთ.

ეს რა ნახა, იმა ხურომ  
ვეღარ შესძლო თმენა.  
თითქმის სრულად დაავიწყდა  
ხისქვეშ ხელის ტკენა.

ეცა ყელში ცოლის ტსუმარს:  
— რათ შამოხველ აქო?  
მარტო ქალთან რას აკეთებ,  
ან რა საქმე გაქო.

კურომ უთხრა: აქ მუდამ ვარ,  
დღესაც შემოველი,  
შენს ცოლად რათ მოგინათლავს  
ჩემი საყვარელი?

გაიმართა წეწვა, გლეჯა,  
მეტათ საოცარი,  
ლამის კურომ ამოიღოს  
მოღალატის ქმარი.

როს შენიშნა ქმრის ორგულმა  
ქმარი წაიქცევა,  
თითონ გადგა მოშორებით  
ქმარს დაუწყო რჩევა:

— ჩემო ქმარო, მაგრა დადექ  
წელში მოღრიკეო,

ფეხი ფეხში გაუყარე  
ისრე უხრიკეო.  
უთხრა ქმარმა: შენ გაგიწყრეს  
ქვეყნის დამბადეო,  
უხრიკავი სახრიკავად  
რად გამიხადეო?!

ეს ამბავი, თუმც ძველია  
დღესაც ბევრი ხდება,  
როგორც ვატყობ სახრიკავად  
ჩვენც კი გავვიხდება  
თუ დროზედ არ მივატანეთ  
მეშაქრეს და ხაბაზს  
თორემ მალე მიჰბაძავენ  
ხუროს ცოლსა ლამაზს.

ან. განჯისკარელი.

# მოხსენება ქუთაისიდან

(უმაჯთუჯო ტეჯეგრაფით)

ჰოი ეშმაკო! ჯოჯოხეთისა ხარ მბრძანებელი,  
ქვეყანას მართავ, ხელთ გიპყრია საქმენი ძნელი,  
შენ კარგად იცი, თუ რა ხდება მუნ, ამა სოფლად,  
ჯერ არ ნახულა რომ დაგეგდოს მოყვასი ობლად.  
მარა ქუთაისს ვერ მოაპყარ მახვილი თვალი,  
რომ მოგენახათ ავსულების მზაკრული კვალი,  
და ჯოჯოხეთის ერთი კუთხე—საბრძანებელი  
(რომელს სჭირია განეკურნოს უკურნებელი)  
კვლავ ხელში გვეგდო, არ მიგვეცა მტრისთვის სა-  
წველათ,

არ გავგებხდა ფუტურისმის მინდვრად საცდელათ.  
რა შეედრება მხატვრულ კოლხეთს სილამაზითა,  
ანუ სიტურფით, სიკეკლუციით და სინაზითა?!.  
მისი ქალწულნი ქვეყნად ერთნი გამოსქვივიან  
(ფუტურისტები ამას მუდამ, ყველგან კვიიან)  
და ეშხიანთა რაზმი „წმიდა“, მარად ქებული,  
(„ყანწების“ ზვირთში კიტას უბით დაბადებული)  
ვით ტალღა დიდი მოზღვავებულ მდინარეების,  
ჯოჯოხეთს ვფიცავ, მთელ ქვეყანას ბრძოლათ შე-  
გმის.

ორი წელია დათვრა სისხლით მთელი მსოფლიო,  
მარა ამდენი შიში, ძრწოლა, არევ-დარევა,  
ქალების ჩხუბი, ბრძოლა დიდი, ხმალში ჩარევა,  
პირველი არის ქვეყანაზე არ გვახსოვს მზგავსი

(სჩანს შეითვისეს და შეიგნეს პაოლოს მრწამსი). ხომ გაგონდებათ წარსულ თვეში როგორ ამხედრდა მშვენიერ ასულთ გრძობა წმინდა, დიდი, მაღალი, როცა „ყანწებში“ ფუტურისმმა გამოილაშქრა და დარიანის ფარჩის კაბა გამოიმასქნა. ან ვის არ ახსოვს პროტესტების დიდი ვერსია, (აპილპილება მუნ მცხოვრებთა არის წესია) როცა პაოლოს ჩამოხრჩობით ემუქრებოდენ (ფუტურისტები მაშინ შიშით ვერსად ჩდებოდენ), მარა განელდა აღზნებული ბრძოლისა სული და დაიმშვიდეს, დაიწყნარეს ქალებმაც გული.

სიზმრათ მოედო დარიანის ბედნიერება, (ალბათ მრავალ ქალს კატის ლოკვა მისებრ ენება) და ქუთაისში კვლავ გამეფდა ახალი სენი, კვალათ მოიკვა ფუტურისმმა კოლხეთი ჩვენი. და ივნისისა შვიდსა რიცხვსა, თეატრსა შინა, (სადაც პაოლომ ნიჭი თვისი გამოაჩინა) ხალხი შემოკრბა, ეტლი ეტლზე მოიჩქაროდა, კასა აივსო (დასაჯდომიც არა კმაროდა). წარმოდგა სცენათ ვაჟი „თლილი“, „წერწეტოვანი“ ცისფერი ჰქონდა ლოკვა მკრთალი, ხმაი—ხმოვანი, მას აეტუნა „ვაჟი ლალი, შმაგი და ვრცელი“\*), (ვინაც მოხრილა კისრის ქვევით ვით რკინის ცელი) „გავაცამტვერეს“, სიყვარული დაგმეს, აძაგეს და ჩაეხვიენ უსირცხვილოთ ელენას ბაგეს. გაისმა ვაშა, ტაში ცხარე, ტაში მხურვალე და გადმოიპნა მოწონების ხმაი მქუხარე. გუშინ ხმლებითა ეკვეთოდენ, ჯვარსა აცვამდენ, დღეს კი „ქალები“ სახეს მათსა ეამბორება (სჩანს ენატრებათ დარიანის, „ზანტი ზმორება“) და მოელიან „ვაჟის კოცნას, კოცნას ნამიანს“ ოი ქალებო, ვინ მოგტაცებთ „მწველ ადამიანს“. ეგრეთ „შემამკეს“ მელბომენის ტაძარი ძველი, სიტყვები ითქვა მეტად „ზრდილი“, „ლამაზი“, გრძელი, გუცა რომ არის, ფარქოსაძე ქებული გვარათ, (ვინაც დასვლებს უკურთხებს და ავინებს მარად) წერეთლებისა გვარის შვილი ერთი ოსტატი (ფედერალისტთა მოსაწონი ლექტორი, ხატი) და სხვა მრავალი დიდი რაზმის ჯარი ქებული („საქართველოსა“ გაჩენიდან მარად კლებული) ყველა ამბობდა სიტყვებს ცხარეს, სიტყვებს მქუხარეს

და უმშვიდებდა ქალებს აზრებს, აზრებს მწუხარეს. ხაშით ნასუქი „მეგობარის“ გრიგოლი დიდი, (ვითა სტამბოლის უხუცესი აბდულ ჰამიდი) რომელს კისერი გადელუნა ვით კერატს ტყისა (რითაც არ შინდა მე მიზეზი ვავხთე წყენისა) კიტას ლაშქარი, ოცხელისგან წმინდათ ნაზარდნი, ლანძღვის საქმეში მარად ცქვიტნი, ქჩარი და მარდნი ტაშსა უკრავდენ, მხიარულნი დარიანის გმირს, იმედთა გვირგვინს თავს ადგამდენ „მიუხაფარ მწირს“.

რა ეს სურათი მე ვიხილე, ავენთე ცეცხლით, წამსა შემოგვარ აბჯარი რაშს, რაშს ჯოჯოხეთის და გავექანე სამშვიდობო მეპოვა მხარე, არ მომსწრებოდა სიბერისას წუთები მწარე... და მივავენი ნავთსაყუდარს ქალაქის ახლოს (ჯერ იმედი მაქვს, აქ, მგონია, ვერავინ მნახოს) პცხიციები გამოენახე, სანგრებს ვამაგრებ, დიდი ბრძოლისთვის ვემზადები მქირდება ჯარი და არ დამლუბო მომაშველე მებრძოლთ ლაშქარი. არ დამაობლო, არ გამკიცხო, არ მომიძულო (ვით იტალიამ, არ მიმუხთლო, არ მიორგულო) თორემ დარჩება ფუტურისტებს მთელი კოლხეთი და შეძრწუნდება ამა ამბით სულ ჯოჯოხეთი. ჯარი პირდაპირ სურამის მთით არ გამაგზავნონ, (იქნებ მალულათ ამოხოცონ, ან რამე ავნონ) სჯობს შორი გზიდან მოიარონ, მოვიდენ წყნარათ (მხოლოდ არ სთვლიმონ, იმამაცონ, იარონ ჩქარათ) და ვით ვერდენთან, ვოსა ფორტსა გერმანელებმა (ბრძოლისა ცეცხლით ანთებულმა როგორც მგელებმა)

შემოუარონ სამხრეთიდან რიონის მხარეს და შეუერთდენ იქ ჩასაფრულ ჯარსა დამხმარეს. სტრატეგაულათ უძლევეია ეს პოზიცია, (შენ მართალია, ამის გეგმა არ მოგიცია), მარა მენდვევი, ჯარი მინდა მაშველი ჩქარა, დიდ ხანს ვიცადე, აწ ლოდინი მომწყინდა კმარა!..  
**ხუნავი.**



\*) ტიტე ტაბიძე არის, ვგონებ, მათი დამცველი.



## მესტვირული

(ფაზ. № 33)

განმანაწილებელ პუნქტში  
 მოსთქვამენ „ვაჰ შე! დედაო,  
 დიდი ხანია, ამბობენ  
 ნიკიტა მიბრძანდებაო,  
 ხელს ვერ შეუშლის ვერავინ,  
 ვინც მოინდომებს, სცდებაო,  
 მაგრამ ვხედავდით ბოჭავდა  
 რაღაცა მანქანებაო,  
 „სულს უხაროდა მთლიანად  
 გულს ეძლეოდა შევბაო“,  
 დღეს კი აშკარად ვიხილეთ,  
 „ტირილის“ დღეი დგება,  
 გარაჟის უფროსობასა  
 მან თავი მიანებაო,  
 ოტსტავკის თხოვნა-ქალაღლი  
 მიართვა ზედი-ზედაო,  
 ძალთამტერაძე დანიშნეს  
 ნიკიტას ადგილზედაო,  
 ამ შავი ღლისა მომსწრესა,  
 გულო, რათ გიკვირს ბნედაო?  
 ნიკიტას ხტუნვა, თამაში,  
 გარმოშვის დაკვრა, სტვენაო,  
 უზუნდარა და ლეკური,  
 ბუქნა და თითზე დგომაო,

ზედ მიწვენითა რაპორტი—  
 და დაბეზდების წერაო,  
 ლოთობა შოფერებთანა,  
 ავტომობილთა მტვრევაო,  
 მტკვრის პირას კოტრიალობა,  
 ტლაშა-ტლუში და ხვევნაო,  
 ვისაც უნახავს—კი იტყვის:  
 პუნქტს „გაწყრომია“ ზენაო  
 ვინა მოგვტაცა ნიკიტა  
 მსახური ძველის ძველაო?  
 მისებრი ღმერთმა წაგვართვას,  
 რანდენიც გვყავდეს ყველაო!..  
 ვერ შეგელევით, ნიკიტჯან,  
 თავი არ მოგვიკვდებაო,  
 ნუ ნუ გაგვწირავ გეთაყვა,  
 სულიმც ნუ წაგიწყდებაო!..

შ—ი.

## მ მ რ ა ლ ა

შარადა ჩვენი არ ითხოვს  
 დიდი ხნის კვლევა ძიებას,  
 არცა სხვა და სხვა ნაწილებს  
 რომ ერთმანეთსა მიებას.

პირველსა ასოს ჩამოვსკრით  
 ერთსა ხუცურსა სიტყვასა  
 (არ ვნაღვლობ ჩვენიმღვდლებისგან  
 თუნდ საყვედურიც ითქვასა).

სიტყვა ის ნადიმს აღნიშნავს  
 ნადიმსა საიდუმლოსა,  
 სად მაცხოვარი, იესო  
 მკითხველმა დაიგულოვასა.

და მზად გვექნება შარადა  
 სიტყვა დაგვჩნება მთელია  
 რომელიც მართვის სისტემის  
 სახელის გამომთქმელია.

რითაც მმართველი წრეები  
 ფიქრობენ ამაყობასა  
 რომ ამ „ნობათით“ შესძლებენ  
 ჩვენს „სრულ ბედნიერ ყოფასა“.

ხალხი კი ამბობს: თუმც იგი  
 ფრთებ შეკვეცილი არიო  
 მაინც „სულ არარობას  
 სჯობს ცალ უღელა ხაროა“.

კვანი.

# მთხსენება

**ქ. ბაქო.** (ცოტა დაგვიანებული წერილი). ბ-ნო ეშმაკო! ალბათ გგონია, რომ სადაც ბევრი ფულია, იქ ყველაფერი შენს გემოზე იქნება მოწყობილი და შენი მათრახი აღარ იმუშავებს. პირიქით. აქ მართალია ფულიც ბევრია, ნავთიც და ქვარტლიც, მაგრამ საეშმაკო საქმეც ბევრია. მაგალითად აქ არსებობს ქ. შ. წ. კ. გ. საზოგადოების განყოფილება, ქართული სკოლა, სკოლის სექცია და ბანოვანთა წრეც, მაგრამ არ არსებობს აბა თუ მიხვდე რა?

— დიახ საბავშვო ბაღი.

ამას წინეთ ვილაც ენის ცხელებით ავადმყოფ გულუბრყვილო ადამიანს სკოლის სექციაში წამოკდენია, რომ წოგიერთ პირველ ყოფილ ადამიანთა ქვეყნებში, მაგალითად: ამერიკაში, იტალიაში, გერმანიაში და წარმოიდგინე საფრანგეთშიაც, აქა-იქ თითო-ორი საბავშვო ბაღი ქე აგდიაო და ერთი ბაღი რომ ქართველებსაც გვეგდოს ბაქოში ვითომ რა იქნებაო. სექცია ახმაურებულა წ. კ. ზოგიერთ წევრებისათვისაც დაუძახია, ვილაც სექციის ამხმურებელსავით გულუბრყვილო ბანოვანი მოუნახავს, რომელსაც კერძო სხდომაზე მოხსენება ისე ლამაზათ ჩაუჩონგურებია რომ სექციასაც და წ. კ. წევრებსაც მოსწონებიათ. მოსწონებიათ და თავის აზრიც ჩონგურზე ისე ჩაუკრიმანჭულეობათ, რომ მომხსენებელს კინაღამ გულზე შამოპყრია; „რა კი ჩვენ ფულები ბევრი გვაქვს სწავლის ფული ცოტა უნდა იყოსო“. მეჩონგურეს კი ჰგონებია, რა კი ბაღი ჰქვია სწავლა სულ უფასოთ უნდა იყოსო და დაუდგენიათ თვეში მხოლოდ თხუთმეტი მანეთი უნდა გადაიხადოს თითო მოსწავლემო. ბანოვანთა წრესაც ცალკე წაუკითხინებია მოხსენება იმავე ბანოვანისათვის. ზოგი მათგანი თურმე უფასოდ მზარეულობასაც კი კისრულობდა ბაღში, ისე გაუტაცნია მოხსენებას, მარა ბაღის გახსნა თავის თავზე ვერ უდვიათ. თუ ბაღს შენ გახსნი ჩვენ მერე გავვრევით საქმეშიო.

აბა ადვილი ხომ არ არის თავისი თავით სიარული.

ამ ამბავმა ძლიერ აადლევა აქაური მუშები და წვრილი მშრომელ მოხელეები. ალბათ რაღაც

ახალ მახეს გვიგებენ, თორემ ასე მკირედი შრომის ფასით რა უნდა ასწავლონ ჩვენ შვილებსო და სანამ, თუ მეტი არ შეიძლება, ოთხჯერ მაინც არ გაადიდებენ სწავლის ფასს ბავშვებს ბაღში არ მივაბარებთო.

აბა შენ იცი ბ. ეშმაკო, ამ საქმის მოსაწყობათ თუ ჩამეისერიანებ აქეთ და შენებურათ ჩაავონებ ვისაც და როგორი ჩაგონებაც ესაქიროება.

დია.

—

## ჭიათურა.

სულ მალე, მალე დადგება ქამი, (დანამდვილებით ვერ გეტყვი როდის), როს აღიგვება მიწის პირიდან, „ლილიბუტები“ ახალი მოდის, ყველანი თითქო სიქმიანობენ, თავს გვაბეზრებენ, ყაყანით, „შრომით“ და გმირებია იმ შემთხვევაში, როს ილლებიან მუშებთან ომით, ფაცი-ფუცობენ, ვით საქმის ხალხი, გამოგვიქედენ ორთავე ყურებს, შენ თუნდ დუმილით გაეც პასუხი, იმათ იციან სად სჭედენ ფულებს. და აი უცებ თქვენ დაინახავთ მას, ვის ბატიც არ მიებარება, სადმე ადგალი, თფილი ადგილი, ხალხის საწველათ ჩაებარება. მათ შემდეგ ისე აღარ იციან, უბრალოდ სიცილ და შებრალება: კარებს ჩაჰკეტენ, დროს წააწერენ, თუმცა არავინ არ ეძალება. მიდიან დრონი, ჩვეულებრივათ, უკლებენ სიტყვებს, უკლებენ წერას, თავს მძიმეთ გრძნობენ, სჩანს რაღაც მოხდა, შორით იწყებენ ბინოკლით მხერას. ეს იცი რაა? ჩემო მკითხველო, იქნებ არ იცი, სირცხვილო! არა? ლიდერი გახდა, დაემსახურა, ეგ ჰკუთით მკირე და მეტიჩარა. ფედესალისტთა ბელადთა შორის, დამისახელეთ ვინც გინდათ ისა, რომ მზგავსი ფანდით არ ესარგებლოს, და არ აეგსოს საფულე ქისა. და განა ახლა გასაკვირია, მოქმედებანი სხვისი და სხვისა?!

რომლებს რწმენა მხოლოდ ფულია, რაც ბუნებისგან მათ შეეთვისა.

ერთ მშვენიერ დღეს, მე სხვათა შორის, თეატრში შეველ, დავიდგი სკამი. და ერთ კუთხეში, თუ შვა ადგილას ერთი ყმაწვილი და ქალი სამი, იჯდა და იღვა, თუმცა პიესას მაღლა სცენაზე ჰქონდა დინება, ძირს აქ მეორე გამართეს ამათ და შიგ ჩიურთეს ლანძღვა გინება. მიღის შენიშვნა, შენიშვნაზედა მაგრამ სცენა კვლავ მიღის სცენაზე გუნებაშია, ალბათ, ფიქრობდნენ:

— „სცადეთ დამადეთ კლიტე ენაზე“ ვინ იყვნენ ნეტავ ასეთი ურჩნი, ეგზომ უზრდელნი და მეტიჩარნი, თვით არ ისმენდენ, სხვას არ ასმენდენ, აზრით დაღაკნი და უმეცარნი? მკითხავთ? მაშ გეტყვი: პედაგოგები, „მაშულიშვილთა“ უბნის გმირები, განგებ, ზაკაზათ, გამოგზავნილნი, და ამ გამოსვლით კმაყოფილები! პირველი ნუცა, იგივე ნუციკო, მეორე სადიკ ანდა სადიკო, მე არ მეგონა, მაგავსი ჯიშისა, ადამიანთა ტომში თუ იყო. მესამე, მართლა სულ დამავიწყდა, ეგ რენეგატი „ვაშა“ რებეკა, თუ ტყვილი იყოს, შემწყურეს მედინა, თუ ეს არ გჯერა, გამიწყურეს მეკა. მეოთხე ვაჟი, შავათ მოსილი გმირ იაშვილის აფთექის კაცი ისე დახტოდა სკამიდან სკამზე ვით, მოჰიდავე, მეჯოგის ვაცი. ხან წინ სცენასა ზურგს მიაქცევდა „სმირნაზე“ იღვა, ვით „ნოვობრანცი“, თქვენ თავსა ფფიცავ, ასეთი ქცევა, მოსაბეზრია და დასაქანცი. ეხ შემოქმედო! რა გცოდეთ ნეტავ ასეთ აღმზრდელებს, რომ გვაწვდი ჩვენა, თვით ასაზრდელნი, სხვას რას აღზრდიან, ამაზედ მოგვეც პასუხი თქვენა. მე კი ისევე ვიტყვებ ამათ, ვიტყვებ იმათ, როგორც წესია,

დე, დაინახონ თვისი ნაღვაწი სიცოცხლეშივე, უკეთესია.

ს — ?

სუფსა. სუფსაში ქურდობა „მოისპო“ რისთვისაც მთელი საზოგადოება მადლობას უძღვნის აქაურ მცხოვრებს ექვთიმე მეჩხიას.

— კარგა ხანია, აქაური დეპუტატ-სანიტარები და განსაკუთრებით კი მოღისკა ქალები „სოკო-კვერცხის“ ძებნას შეუდგნენ.

— ტყუილი გამოდგა ხმები, ვითომც აქაური სადგურის ბილეთის გამყიდავი ქ-ნი ჯიქია, ბილეთის გაყიდვის ღროს ხალხს უზრდელათ ეპყრობოდეს. პირიქით ყველას თავვზიანათ ეპყრობა და თითოეულ ბილეთზე ორ-ორ კაპიკს ხურდას...\*)

სოკო-კვერცხი.

თფილისის სათავად-აზნაურო გიმნაზიის დირექტორი და მისი სამოქმედო პროგრამა. ბ. ალ. ჭიქინაძემ ჩააბარია თუ არა თფილ. სათავ-აზნაურო გიმნაზია, გაემგზავრა ქვაშვეთის წმ. გიორგის ეკლესიაში, იყიდა ორი შაურიანი წმიდა სანთელი, დაიჩქა და წმ. გიორგის ხატის წინ დასდო შემდეგი ფიცი, რომელიც შემდეგში სარჩულად დაედო მთელ მის სადირექტორო მოღვაწეობას:

უფალო მომისმინე მონასა შენსა!

1) ამიერიდან მე ვიქნები სრული და დამოუკიდებელი „ხაზინი“ ჩემდამი რწმუნებულ გიმნაზიისა.

2) ჩემს სადირექტოროში ადგილი არ ექნება ურჩ მასწავლებლებს, მოწაფეებს „სტოროეებს“.

3) ღმერთმა დამიფაროს სომხებისა და სოციალისტებისაგან, რომელნიც მტერნი არიან ქართველი ერისა.

4) უნდა ავაშენო და გავალამაზო გიმნაზიაში არსებული გატიტვლებული ეკლესია, თუნდ ის თანხა, რომელიც მას მოუნდება, ბევრ ლარიბ მოწაფეებს გაანთავისუფლებს, მაგრამ შენც მოგეხსენება უფალო, რომ ჩვენთვის დღეს ეროვნული ეკლესია უფრო საჭიროა, ვიდრე გაკოტრებული მოწაფეები.

5) ყველა მასწავლებლებს და მოწაფეებს ნე-

\*) ქვევით ტელეგრამა დამახანჯებული იყო და ვერ გაგარჩიეთ.

ბით თუ უნებლიეთ ვაიძულებ ყოველ უქმე დღეს ეკლესიაში იარონ, რათა გადიდონ შენ უფალო და გაამდიდრონ ეკლესია ჩემი.

6) მე ნებას არ მივცემ არც ერთ მოწაფეს რეფერატის წაკითხვისას, სანამ მე წინდაწინ არ განვაცენზორებ წერილსა მას.

7) ვეცდები არ დავითხოვო არც ერთი თავადი მოწაფე, თუნდა ის ყოველმხრივ ზნე დაცემული იყოს, რადგანაც სასურველია, რაც შეიძლება მეტ ეროვნულმა მოწაფემ და ისიც თავადმა დაამთავრომ გინაზია, რათა გაძლიერდეს ჩვენი პროგრესიული, ბრწყინვალე წოდება.

ამის შემდეგ ის დაბრუნდა შინ და შეუდგა თავის აღთქმის პრაქტიკულად განხორციელებას\*).

**დვორიანისტი.**

ქ. შ. წ. კ. გ. ს. მასწავლებელთა კრებაზე ხანგრძლივ კამათში გამოირევა ის, თუ რა უნდა დაედოს საფუძვლათ პირველ დაწყებით სკოლებში სახმარ არითმეტიკის სახელმძღვანელოს. ვინაიდან მეორე და განსაკუთრებით მესამე განყოფილების პროგრამაში მოხსენებულია ოთხი მოკმედება ნაწევრებზე, ამიტომ უმჯობესია თავიდანვე ე. ი. 1-ლ განყ. სწავლება იწყებოდეს ნაწევრებით ხოლო ამ შემთხვევაში უპირატესობა ეძლევა ათ წილად ნაწევროვან რიცხვებს, როგორც ნაწევართა უუუუმარტივეს ფორმას. როცა სახელმძღვანელო და შემდეგ სწავლება ამ პრინციპზე იქნება დამყარებუ-

\*) მე, ამის ავტორი, ვაცხადებ და დავადასტურებ რომ დირექტორი პირნათლად ემსახურებოდა თავის დაპირებას.

ლი, მაშინ ის გაამართლებს საღ პედაგოგიურ მოსაზრებებს. ნაწევარი უუუუბატარავესი და უუუუმარტივესი ფორმაა. აქედგან მოწაფეები გადავლენ მთელ რიცხვებზე, როგორც უდიდეს ფორმებზე და ისე არითმეტიკის სწავლების საქმეში დაცულ იქნება სრული თანდათანობა და სისტემა.

**ფ მ ს ტ ა**

იასონ ციცილბას. პირველი თქვენი „ლექსი“ ასე იწყება:

„ნეტა, დაწო, რას მიქჷრამ,  
რას ჩერჩეტობ, რასა ოხრობ?  
ჟეკამ შენს თავს დაუგვირდო  
რასა ჩმხსავ და რას უბედობ?!“

ეგ ყოველთვის ასეა, ბ-ნო იასონ! „თავის თავს“ არ უკვირდებიან და არ „კითხულობენ“, თუ რასა სჩმახავენ და რას ოხრობენ. ჩვენ გაგვხადა განგებამ ვალდებული, „ვიკითხოთ“ ასეთი დაუკვირვებელი თავის ნაჩმახავი.

მეორე კუბლეტი თქვენი ლექსისა ასეთია:

„ტანით უშნო, უღაჯათო,  
მამაგანებ მაკე დოწსა,  
სხვა რა გითხრა, ან რა გკადრო  
მაგისთანა უკმეს ვიწსა“.

თქვენ თქვენს ლექსში როგორც გსურდეთ ისე მოექტეით უკმეს ვირს, ეს თქვენი ნებაა, ჩვენ კი ჩვენს ჟურნალში მათ ადგილს ვერ დავუთმოვბთ.



„ძველ დროში „ვეფხისტყაოსანი“ ძვირფასი მზითვი იყო ქართველი ქალისათვის“.

(ლექცია ლ. ბოცვაძისა)



ძველათ ქართველი ასულის მშვენებას „ვეფხისტყაოსანი“ ჩრდილავდა და საქმრონი ერთი მეორეს ასწრებდენ.

დღეს მთელი წიგნთ საცავიც აღარაფერს შევლის.